

法鏡經序

服

夫心者衆法之原成否之根同出異名禍福
 分流以身爲車以家爲國周旋十方稟無勸
 息家欲難足由海吞流火之獲薪六邪之殘
 已甚於蒺藜囚之賊魚矣女人佞等三魅其
 善偽而信寡斯家之爲禍也尊邪穢賤清真
 連叢瑣誇聖賢與獄訟喪九親斯家之所由
 矣是以上士恥其穢濁其廣爲之懾懾如也
 默思遁邁由明哲之避無道矣鳩髮毀容法
 服爲珍靖處廟堂練情獲穢懷道宣德開導
 簪鼓或有隱處山澤枕石漱流專心滌垢神
 與道俱志寂齊平無名明化周也群生賢聖
 競于清淨稱斯道曰大明故曰法鏡騎都尉
 安玄臨唯嚴浮調斯二賢者年在東亂弘志
 聖業鉤深致遠窮神達幽愍世滕惑不覩大
 雅竭思釋傳斯經景膜都尉口陳嚴調筆受
 言既稽古義又微妙然時干戈未戢志士莫
 敢或違大道陵邊內學者寡會觀其景化可

以極塗炭之尤險然義壅而不達因閉竭愚
 爲之法義喪師塵載莫由重質心憤口匪停
 筆槍如追遠慕聖涕泗并流今記識闕疑俟
 後明哲庶有暢成以顯三寶矣
 法鏡經

後漢安息優婆塞安玄共沙門嚴調譯

聞如是一時衆祐遊於閻物國勝氏之樹給
 孤獨聚園與大衆除饑千二百五十人俱及
 五百閻士慈氏敬首殆棄關音閻士之上首
 者也彼時若干百衆圍累側塞衆祐如爲說
 經介時間物城中有理家名甚與五百衆從
 閻物城中出往到勝樹給孤獨聚園詣衆祐
 所到以首禮衆祐足便就座而坐及理家有
 字愛遇有字迺遇有字善授有字大威有字
 給孤獨聚有字龍威有字諦思斯一切五百
 衆等共往詣佛所到以首禮衆祐足皆於衆
 祐前就座而坐其諸理家一切以發求大道
 皆與其衆共造德本有決於無上正真道惟

給孤獨聚不耳於是甚理家以見大眾理家
集會坐定避坐而起整衣服誓首長跪叉手
自言已欲有所問要者眾祐豈有閑暇敷演
已所問眾祐報甚理家言如來常為理家有
閑暇敷演所問理家汝便問恣汝所求索於
如來應儀正真道吾當相為敷演所問趣得
汝意甚理家問佛言於是要者眾祐若族姓
男女發意求無上正真道好喜大道發行大
道欲致大道欲下大道欲知大道請命一切
眾生安慰眾生救護眾生其誓曰未度者吾
當度之未脫者吾當脫之不安隱者當慰安
之未滅度者吾當滅度之為受一切眾生重
任欲救護眾生故而自誓發斯如大之誓知
生死若干多惡德意如不勸生死無數劫意
而不懶彼要者眾祐或有開士去家為道以
致道品之法或有居家者善哉要者眾祐慙
傷眾生亦加惠此大道者以興隆三寶亦使
一切敏典籍久在故如來願說開士居家者

學德之法何謂要者眾祐開士居家而承用
如來教誨者以不虧亦不損其本所願所謂
無上正真道也亦現世有無罪之行後世往
來殊勝之道亦彼要者眾祐開士去家為道
者指棄憎愛除鬪鬪疑疑被服法衣在家有信
離家為道亦其致誨法式正式德式具現之
要者眾祐開士去家為道者及居家者修之
云何於是眾祐歎甚理家曰善哉善哉理家
今汝適知問如來居家去家開士之所施行
是以理家且聽我所說勉進善思念之開士
居家為道者修學德善之行甚理家受教而
聽眾祐言於是理家開士居家為道者當以
自歸於佛自歸於法自歸於眾彼以自歸之
德本變為無上正真道理家自歸於佛法眾
者云何我當以成就佛身三十二大士之相以
自嚴飾亦以其諸德本而致三十二大士之相
以致彼諸德本便而精進行之開士居家者
自歸於佛為如是也自歸於法者云何謂為

恭敬法求法欲法樂法之樂法隆法依法護法慎如法住隨法行爲法典爲法力爲求法財爲法靜治爲造法事我亦當於天上世間分布是法開士居家者自歸於法爲如是也自歸於衆者云何若開士居家或見溝港或見頻來或見不還或見應儀或見凡人求弟子道者爲恭敬彼承事供養師之尊之以禮待之若以承事彼正住正行者而以得是志亦我當得無上正真道以講授經成就弟子之德而爲恭敬彼不亦而羨彼開士居家者自歸於衆爲如是又復理家開士以修治四法爲自歸於佛何謂四一曰道意著終而不離二曰所受者終而不犯三曰大悲哀者終而不斷四曰異道者終而不爲也是爲四法開士居家者自歸於佛爲如是也又復理家修治四法爲自歸於法何謂四一曰諸法言之士以承事追隨之二曰所聞法以恭敬之三曰已聞法本末思惟之四曰如其所聞法

隨其能爲人分別說之是爲四法開士居家者自歸於法爲如是也又復理家修治四法爲自歸衆何謂四一曰未下要生弟子之道而意以喜一切敏二曰亦以爲積聚物以法積聚而化之三曰以有依恃有決之衆而不依恃弟子之衆四曰求索弟子之德不以其德度而度也是爲四法開士居家者自歸於衆爲如是也又復理家在家修道以見如來則行思念佛是爲自歸於佛已聞法則已思念法是爲自歸於法若已見如來聖衆猶思念其道意者是爲自歸於衆又復理家在家修道發求遭遇佛而以布施爲自歸於佛若以擁護正法而已布施是爲自歸於法若已其布施爲致無上正真道爲自歸於僧又復理家在家修道者若修賢夫之行行不以凡夫之行彼是賢夫之行也而已法求財不以非法以正不以邪亦而爲正命不以憍固人以法致之財多行非常想以受其寶是以恒

隆施而供養父母知識臣下昆弟親屬為以敬之奴客侍者占視調均亦以教化斯殊法亦以受重任是謂眾生重任也精進而不懈不受之重任而以不受之謂是弟子各佛智之事成就眾生而不勸不慕身之樂為致眾生樂為致眾生樂利衰毀譽稱譏苦樂不以傾動以殊越世間法富有財不喜悅又於三道無利無稱無譽無聲無賞所行為熟慮受正為喜悅邪受見知要意而有正行稱喻之兩以除解已得其所誓以憂人事不自忽其事有恩在人訖終不望其報作恩施若干知恩知反復為造行恩德貧者為施財諸恐懼者為安隱之憂感者實解其憂諸無力者為憐之諸豪強者拍憍慢以棄殊過慢尤慢慢以恭敬尊長承事多聞者能問明智者所現以直不虛飾眾人而有方便行德而可求哉為多聞不厭無足正修勤力固與聖人相遭追隨聖人而尊敬之多聞者為事之智者為問之所

以現直不師秘眾經如其所聞為現之所聞而曉其義一切欲之嬉樂為計非常不慕惜身以自觀其壽如朝露之滴計財產所有如幻雲也家屬人客計為怨妻子男女計為無澤之地獄以其所有者計為一切苦田地舍宅万物所業者常以計為疵也所求致之德為不敗壞想家居者為危想知識臣下昆弟親屬者為地獄主者想終日夜者為異同想以不實之身為以受實想以不實之壽為受實壽想以不實之財以受實之想彼若以禮節眾事故事人者是以不實之身為受實也若管眾德之本而不毀又復增殊者是以不實之命以為受實也是若以制慳而布恩施德者是以不實之財為以受實也是為開士居家修道者為賢夫之行為事如是而無罪為如來言說為法說也亦不毀而不損其本誓是謂無上正真之道也迺現世有無罪之行後世亦墮殊勝之道也又復理家開士居

家修道者當以自奉持戒事謂是奉持五戒事也是以爲不好殺生不加刀仗蠕動之類不以嫉固人是以爲不好盜竊人物自有財而知足他人財不以思至於幾微草穢之屬不與終而不取是以爲不好欲之邪行自有妻而知足他人婦女不喜眼視也意常以自

患已思念欲都爲苦如使生欲念自於其妻則以觀惡露以恐怖之念勞爲欲之事以無畏不苦以慕戀不常淨樂想違志迺如是我當以自修若以思想欲我以不爲之何況數數有是以爲不當好妄言以諦言誠言以不爲詐性以不敗心如有誠如其所見問而說之慎護經法不用軀命故以不妄言是以不當好飲酒以不醉不迷惑不急疾以無罰而順化強志以正知如使復興布施意所有一切吾當與人求食與食求飲與飲求車與車求衣與衣是以與人酒以建志如是布施度無極爲是時若有人所索則而爲與時我能以

酒施令從彼化志如以自知爲行不迷惑所以然者何夫開士者爲衆生周滿其所願布施度無極一已如是開士居家者以酒施人而爲不獲罪是以理家開士以其所修學之德本變爲無上正真道若以善修慎護斯五戒矣又當有殊者不當以相讒衆人忿諍者

而以和協之以爲不爽言以柔輒之言恒先與人言亦不以綺語爲儀說爲法說爲時說爲如事說亦不有癡因而以安隱加施衆生意爲不敗亂恒以忍辱力而自嚴以爲用正見去離邪見猶爲稽首諸佛衆祐不爲他天神也又復理家居家修道者或在墟聚郡縣國邑下當於彼擁護經法擁護經者爲之奈何夫不信者以信教化之慳貪者以施教化之惡戒者以戒教化之亂意者以刃事教化之懈怠者以精進教化之矢志者以思惟教化之邪智者以智事教化之貧財者以富之諸病者以藥施之孤獨者以爲家屬無歸者以

為歸無依者以為依為彼一切國邑壤者擁護經法為若此理家或彼開士至一至二至三至於百教誨人民皆使修眾德之法彼開士便以悲哀加於眾生以強其一切繁誓之誓其辭曰至於斯難化之人民未得成就者吾終不取無上正真道所以者何今我以為斯故以誓自誓也吾不為質直者不以不佞諂者不以不偽詐者不以守誠者不以誠有德者諸此人故以誓而自誓也但為欲使斯人以聞經法者以經化余用此故以誓而自誓也我當恒以強其精進行所我方便為不唐告也若人有見者莫不以好信若理家至於開士所在處居止其不磋切之人民墮殊異之惡道者彼為開士之各理家譬如鄉亭郭邑郡縣國下至於有良醫者假使彼若有一人不以其壽命而終者眾人皆為各彼醫如是理家至於開士所居止不磋切之人皆墮殊異之惡道者如來應儀正真覺者為各

彼開士也理家居家是故開士為自誓如此也設使我所往國邑下癡者相事如不使一人有墮惡道者也又復理家居家修道者當曉家之惡在于家者為害一切眾善之本以家猶無出要以害清淨之法是故謂為家也居家者謂為居于一切眾勞為居眾惡之念為居眾惡之行不化不自守下愚凡人者為共居與不諦人集會是故謂為家也家者為是名也已在于彼莫不作不軌之事者以在于彼則不恭敬自於父母息心逝心尊長眾聖者是故謂為家也縣官牢獄拷掠榜笞罵詈數勉至于死焉皆為由彼是故謂為家也以在于彼為入惡道以在彼為墮諸欲為墮瞋恚為在諸畏為在愚癡是謂為家也以不慎護彼戒事遠離為定事以不修慧之事不得度之事以不生度知見之事是故謂為家也以在于彼即有父母愛兄弟愛姊妹愛婦愛子愛舍宅愛財產愛兒客愛所有愛不厭

財求之愛是故謂為家也斯居家者難滿哉
譬若大海衆流歸之斯居家者不知厭哉譬
若火以得薪斯居家者多念無住息哉譬若
風以爲無住止猶爲沉沒哉若美飲食爲糶
毒所有一切皆哉譬若仇怨爲似知識誤人
之行哉非聖經之所施行爲造變爭哉更相

因緣恒不和爲多疵哉以行善惡之行因緣
之所在恒爲人所嫌疑非人有哉以爲所有
顛倒故猶不善哉雖善有權詐猶見其性行
似如倡體哉以速轉變故似若幻師哉初至
者人爲聚會其行爲不誠似若夢哉一切成
敗終始故似若朝露哉以速離故似若蜜滴
哉以爲少味故似若蒺藜凶哉色聲香味細
滑以爲所害故似若鍼孔虫哉以非善念爲
食故譬若違命者哉爲轉相欺故恒懷恐怖
哉爲意以亂故爲多共哉以縣官盜賊怨家
弊惡王者爲害也斯居家者少味樂哉以爲
多惡失理家開士居家者爲曉家之惡若此

又復理家居家修道者以布施爲寶施若已
施爲我有若在家非我有若已施是爲寶若
在家是爲非寶若已施爲富財在家爲無財
若已施爲勞解其在家爲勞增若已施爲不
我若在家已爲我若已施爲不有若在家以
爲有若以施爲無盡若在家爲非常若已施
不復護若在家爲斯護若已施爲賢夫行若
在家爲凡夫之意若已施爲依度道若在家
爲依邪部若已施爲佛所稱若在家爲愚人
所稱理家開士居家修道者以布施爲寶若
此是以見人來有所求索者爲生三想何謂
三善友想依度道想勉生富財想爲生是三
想爲復造三想何謂三尊如來教誠想降伏
邪想以不望福德想所以者何若此開士若
諸來有所索者貪婬瞋恚愚癡則以爲薄薄
者爲之奈何若所有物一切不惜而以布施斯
爲貪婬薄若於彼來求物者以慈哀加之斯
爲瞋恚薄若以布施變爲此一切敏謂爲愚

癡薄又復理家已見來求物者不久為成六度無極之行又成彼者云何若有來人從人索物能不愛惜者是為布施度無極若意在道而布施者是為以戒度無極若來求物者而不恚怒之是為忍度無極假今猶自思念何用為食自強其意不釋其行是為精進度無極若欲施若已施而不鬱毒無有悔者是為思惟度無極若已施不望其福德者直是為以慧度無極理家開士以布施為成六度無極行若此又復理家居在家者是以為去離順隨忿亂以親別離法若以得產得財米穀得男女不以為喜悅若一切敗亡不以下意為愁感已觀如是万物如幻為不佳止想也斯幻之行以致是是以父母妻子奴婢兒客是非我之有我亦不是有亦我不是不有我不應是修以不我是有今我為彼故而為作罪惡但現世是有非是為後世是昔之有非是我當護又夫我之有彼我當以護何謂我之有謂是布施

教化恬淡自守道之根原亦蔽隱之德本是為我有也至於我所住是則為追我彼亦不用軀命不為男女妻子故為造惡行也是以居在家自有婦者當造三想何謂三非常想不久想別離想是三想當為造三想當復造三想何謂三若在喜樂為求後世在苦若在飲食為求在殃罪若在樂者為求在苦當為造是三想復造三想何謂三重累想費耗想俗所有想當為造是三想當為造是想何謂三為入地獄想入畜生想入神鬼想當為造是三想當復造三想何謂三魑魅想白注想色像想當為造三想當復造三想何謂三不我想無主想假借喻想當為造是三想理家思念若此眾事想開士居家者當自觀身其妻若此也是以不當愛其子設使尤生子愛不加於天下人是以當以三數諫自數諫其意何等為三等意者為道不以邪意也正行者為道不以邪行不多行者為道多行者非

矣是以三數諫自數諫其意自造其子仇怨想是我怨讎非我友所以者何我以由彼違失慈悲佛之教誡使我甚益生彼愛又自磋切其意如愛在其子以愛加眾生若其自愛身以慈悲加眾生是以當觀其本末斯所從來異我所從來亦異眾生先世亦曾為我子吾亦曾為眾生子是死生之行無可適莫者所以者何所往來道輒有離行轉復為仇怨我今當自修都使我無友亦我無怨仇所以然者何以造有知識為復欲多作以造有怨仇都以欲為惡一切眾生彼非我汝意不可以不可之意可以悉通眾經所以者何正行者得正道邪行者得邪道今我不有邪行於眾生有正意行乃可得一切敏故

法鏡經卷上

服八

法鏡經卷下

服九

後漢安玄共嚴佛調譯

理家開士居家者都摠無可戀無可慕無可適無可愛無可為若此也又復理家居家者設使人來有所索假使為不欲與彼物猶當以自諫數其意假令我今不以是物施者我會當與此物乖離也若欲不欲至於死時是物亦當捐棄我我亦捐棄是寧施寶而於我而施是物死時意除止設使思惟若此而不能施彼物者是以四辭謝辭謝來索物者何為四我以無力眾德未成就我在大道為初始布施意而不自由我有受見在於我余之行且相假原賢者勿相逼迫我所施行能奉行之如其所受余乃能滿卿所願及天下人辭謝彼來索物者為若此也又復理家居家修道者假使為離師之教誨時世無佛無見經者不與聖眾相遭遇是以當誓首十方諸佛亦彼前世求道所行志願之扣願者其